



**Geschichte der geistlichen Stiftungen, der adlichen
Familien, so wie der Städte und Burgen der Mark
Brandenburg**

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1861

CCLXV. Der Priester Matthias Polemann beschenkt einen Altar der
Jakobikirche in Prenzlau, am 1. Juli 1452.

Nutzungsbedingungen

[urn:nbn:de:hbz:466:1-55721](https://nbn-resolving.org/urn:nbn:de:hbz:466:1-55721)

CCLXV. Der Priester Matthias Polemann beschenkt einen Altar der Jakobikirche in Prenzlau,
am 1. Juli 1452.

In nomine domini Amen. Necessaria est rerum descriptio, ne in posterum obliuione moti denegari valeant maturo priorum consilio stabilita. Hinc est quod coram vobis reverendo in Christo patri et Domino, Domino Henningho, Ecclesie Caminensis Episcopo, aut vestro in spiritualibus vicario Ego mathias poleman, vestre dyocesis presbyter, lucide recognoscendo protestor et ad honorem omnipotentis dei, sueque genitricis gloriose semper virginis Marie, Venerabilis quoque sacramenti corporis et sanguinis domini nostri iesu Christi, necnon sancti Johannis ewangeliste ac Baptiste et sancti Mathie apostolorum, katharine, Barbare, Ghertrudis et apollonie virginum, ob salutem anime mee ac progenitorum meorum carorumque aliorum, pro augmento diuini cultus ad instauracionem seu dotacionem cuiusdam vicarie de nouo concepte in Premslow in ecclesia parochiali sancti Jacobi apostoli, Quendam summam quingentarum marcarum vinconensium denariorum pro comparacione reddituum decem talentorum Brandeburgensium, annuos reditus super mansos et domus dicti opidi Premslow, Duo enim talenta brandenburgensia sunt empta, a quodam petro gunterbergh, pro centum marcis vinconensium super tres mansos, quos idem petrus emit, a quodam Nicolao kake, Item II tollenta, a quodam heyne werner super altero meo manso pro C marcis, Item duo tollenta, a quodam Mathia weghun, super III mansos, quos habet hereditarie de parentibus suis, Item II tollenta, a quadam relicta kone goritzen, super III mansos, quos colit parteen, Item I tollentum pro L marcis emptum super domum inhabitationis cuiusdam Jacob boldeken in deer rostrate, Item I tollentum pro L marcis emptum super domum inhabitationis relicte klockempters in acie prope pontem noue ciuitatis. Et isti redditus supradicti empti sunt in reemcionem prout in libro scabinorum dicti opidi apertissime scriptum continetur. Et antedictos redditus cum eorum summa capitali ad eandem vicariam de consensu rectoris dicte ecclesie do, assigno pie et in perpetuum deputo per presencia paternitati vestre humiliter et deuote supplicans, quatenus auctoritate vestra ordinaria dictam vicariam, vna cum suis fructibus, attinenciis ad ipsam comparatis et adhuc per me et successores meos seu per alios fideles pias manus suas ad hec porrigentibus comparandis dignemini in Domino salubriter confirmare premium inconsumptibile a datore omnium bonorum feliciter recepturi. Jus vero patronatus seu presentandi michi intrin, quoad in humanis sum provide reservo. Deinde post deceffum meum Jacobo Poleman fratri meo carnali et suis veris heredibus ab eo f. . . . legitime descendentibus, quam diu fuerint liberaliter assigno. Illis vero deficientibus Domino Theobaldo pasewalk, presbytero, petro pasewalk, laico, katharine vxori, nicolai weners et eorum filiis et legitimis heredibus, vsque in II gradum consobrinitatis pie attribuo, Decedentibus vero illis cuidam Johanni kugeroggen et Jacobo, fratri eius, et gertrudi, sorori eorum pro personis tantum suis ius presentandi reseruatur. Ille autem erit modus presentandi, Quod duo de senioribus et proximioribus heredibus iam dictis vni sacerdoti ydoneo de parentela mea, si quis existat, Alioquin vni pauperi sacerdoti et clerico infra annum ad ordines promoueri volenti beneficium non habenti, quociens vacauerit presentabunt. Hijs vero omnibus deficientibus ius patronatus ad prouisores ecclesie parochialis S. Marie*) in Premslow, quicumque pro tempore fuerint libere et in perpetuum deuoluetur. Is quoque cui prefatum altare

*) Im Originale war Jacobi ausgestrichen und Marie darüber geschrieben.

confertur omni feria quinta, si festum solenne non impedit, alioquin feria quarta precedenti aut feria sexta sequente vnam missam de corpore Christi cum custodibus ecclesie istius, qui ad hec sufficienter prouisi sunt, post missam coralem proprie de vomisse solemmiter decantabit. Quociens vero altarista hec contumaciter neglexerit, tres solidos Brandenburgenses tociens prouisoribus ecclesie diete tradiderit pro augmento luminum istius altaris et cultus diuini, Dominico vero die idem altarista de sancta trinitate missam et . . . in ebdo . . . qui deuocioni sue congruit missam de defunctis deuote celebrabit. Actum et datum prempslow, Anno Domini millesimo quadringentesimo quinquagesimo secundo, In octaua Johannis ewangeliste, meo sub sigillo.

Nach Beckmann's Abschrift des Originals.

CCLXVI. Der Priesfer Nifolaus Molner stiftet eine Vicarei in der Nifolaifirche zu Brenzlau, am 1. Dezember 1453.

Reverendo in Christo Patri Domino ac Domino Henningho, Dei et Apostolice sedis gratia Episcopo Caminensis Ecclesie, Cum debita reverentia et obedientia Orationes in Christo tam continuas, quam devotas. Constat paternitati vestre reuerende, quod de bonis a Deo collatis strenue reddenda sit ratio et super gratiarum Actio prestanda. Hinc est, quod ego Nycolaus Molner, vestre Dioecesis presbiter, aliquantulum corpore debilis, gratia tamen Dei sanus et compos mente, condidi, feci et ordinavi meum testamentum et vltimam voluntatem, vt quando me de ista vita decedere contingit predictam rationem et irrevocabile habere volo, sicut affirmo per presentes inter cetera omnia data ad salutem anime mee meorumque parentum et cararum animarum, quandam summam pecuniarum scilicet centum florenorum et octo talentorum Brandenburgensium annalium reddituum iuxta piam atque laudabilem consuetudinem distincte emptam. In quibus nunc iam obligantur sanctimonialium Prepositus opidi Prenslo, nec non Jacobus schonenwolt, opidanus ibidem, prout in libro schabinorum et in litera emptorum lucide continetur. Prefatam summam cum redditibus suis do et assigno ad perpetuam missam sive novam vicariam in ecclesia beati Nycolai confessoris atque pontificis et in honorem omnium sanctorum consecrandam, ad quoddam Altare cuiusdam Conradi Barut, asserti clerici de consensu eiusdem applicandam scitu ecclesie et voluntate collatorum memorati altaris, in honorem sancte katharine virginis ac martiris iam erecti et consecrati eiusdem ecclesie et voluntate Provisorum, Ita ordinandum, quod accessus prenominati altaris sit communis amborum vicariorum scilicet tam primi quam secundi, Et possessio in fractione libri, calicis ornamentorum omnium aliorum memoratum altare convenientium. Et quidam Conradus Vrifo, Caminensis Dioecesis presbiter, diete ecclesie vicarius, primus vicarie mee conferande est possessor. Cum vero ipsum de hac vita decedere contingit, tunc ius patronatus ad vicarios prefate ecclesie devolvetur, Ita quod ipsi concorditer vicariam in honorem omnium sanctorum consecratam vni sacerdoti uel clerico ydoneo, pro quo tamen Domini et fratres kalendarum supplicaverint conferrent, sin aut ipsi conferre renuerent uel ad conferendum segnes se prestarent, ex tunc Decanus predictae fraternitatis de consensu aliorum fratrum conferre potest et debet. Presen-